

逃禪詞

目錄

水龍吟 六調 念奴嬌 一調
隔浦蓮 一調 一斛珠 一調
陽春 一調 白雪 一調
垂絲釣 二調 解蹀躞 一調
醉落魄 一調 青玉案 四調
望江南 四調 選冠子 一調
滿庭芳 一調 二郎神 一調
水調歌頭 四調 傳言玉女 二調
於中好 三調 瑞雲濃 一調
一叢花 一調 好事近 一調
殢人嬌 二調 蝶戀花 四調
鋸解令 一調 憶秦娥 一調
傾盃樂 一調 望海潮 一調
齊天樂 二調 壽山溪 四調

醉蓬萊 三調 朝中措 二調
點絳脣 四調 卜算子 三調
滴滴金 二調 上林春令 一調
瑞鶴仙 四調 雨中花慢 三調
鵲橋仙 一調 洞仙歌 一調
多麗 一調 卓牌子慢 一調
倒垂柳 一調 惜黃花慢 一調
醉花陰 五調 解蹀躞 一調
瑣寒窗 一調 玉樓春 二調
清平樂 二調 漁家傲 四調
雙雁兒 二調 迎春樂 一調
永遇樂 三調 玉燭新 三調
御街行 一調 柳梢青 十七調
解連環 一調 踏莎行 一調
探春令 四調 人月圓 二調
眼兒嬌 一調 倒垂柳 一調

南歌子 六詞

西江月 二詞

生查子 三詞

甘草子 一詞

鷓鴣天 四詞

天下樂 一詞

玉抱肚 一詞

雨中花令 三詞

明月棹孤舟 五詞

兩同心 四詞

相見歡 一詞

朝天子 一詞

步蟾宮 二詞

長相思 一詞

曲江秋 三詞

點絳脣 一詞

逃禪詞

宋 楊无咎

水龍吟

當年誰種官梅自開自落清無地一朝驚見危
亭岑立繁華叢裏知是賢侯有難兄弟素書時
寄縱舞攜如意吟搔短髮無從訴心中喜却
對疎枝冷蕊似於人不勝風味冰姿斜映朱唇
淺破欣然會意青子坐坐翠陰密密尤堪頻憩
待促歸禁近邦人指點作甘棠比

又 武寧
瑞蓮

曉來雨歇風生素商乍入鴛鴦浦紅蕖翠蓋不
知西帝神遊何處羅綺叢中是誰相慕憑肩私
語似漢皋珮解桃源人去成思憶空凝眸肯
爲風流令尹把芳心雙雙分付碧紗對引朱衣
前導應須此去好揖清香盛邀佳客盃行無數
喚瑤姬並立如花並蒂唱黃金樓

又 趙觀文画西湖
蜀名曰穩相宜

西湖天下應如是誰喚作真西子雲凝山秀日
增波媚宜晴宜雨況是深秋更當遙夜月華如
水記詞人解道丹青妙手應難寫真奇語往
事輸他范蠡泛扁舟仍攜佳麗毫端幻出淡妝
濃抹可人風味和靖幽居老坡遺跡也應堪記
更憑君画我追隨二老遊千家寺

又 雪

小軒瀟洒清宵午風正緊門深閉絮床危坐竹
窗頻聽春蟲撲紙燈燼坐紅篆煙消碧衣輕如
水料飛花未止堆簷已滿時摧折琅玕尾骨
冷魂清無寐這身在廣寒宮裏暗懷千古潭疑
一夜水生腸胃歲事崢嶸故園際阻歸期猶未
向寒鄉不念豐年只憶青天萬里

又

夜來六出飛花又催寂莫哀門閉幽坐無寐寒

欺食布明吞窗紙起步閒庭月華交映長空如
水便窳風欲去凌雲直上青冥際騎箕尾誰
信團成和氣在賢侯笑談聲裏咸驚句琢瓊瑰
端是錦纏腸胃宿麥連雲遺墮入地田家知未
更明年看取東阡北陌黃雲萬里

又本

智瓊嬌額塗黃爲誰種作秋風蕤寒香半露綠
帷深護猶聞十里山麝生膺水沉削蠟一時羞
避向錢塘江上中秋月下有人暗尋遺子不
奈書生習氣對群花領畧風味騷人已去欲紉
幽佩重爲湘辭天賦風流友梅兄惠與桃奴李
向明窗紫几纖枝未老眼明如水

念奴嬌

單于吹罷望西山乞得斜陽收脚素魄旋升聽
桂子風裏時時飄落瑩徹盈盃冷侵毛髮渾不
勝衣著天公有意爲人掀盡雲幙童稚猶也

多情廣庭埽淨草不容纖惡步遠周遭疑便是
踏雲當年東郭慢引歌聲響穿雲際直使姮娥
覺一尊重酌爲言千載同約

埽花遊

乳鶯轉午好夢正初醒小軒清楚水沉細縷趁
遊絲落絮緩隨風舞胃起春心又是愁雲怨雨
玉人去徧徙倚舊時曾並肩處相望知幾許
縱遠隔雲山不遑愁路捧盃薦俎記低歌麗曲
共論心素薄恨斜陽不道離情最苦正凝眸向
燕樓又催笳鼓

隔浦蓮

牆頭低陰翠惺惺格磔鳴鳥語好夢驚回處餘醒
推枕猶覺新晴人意樂雲容薄麗日明池閣捲
簾幙披衣散策閒庭吟繞紅藥殘英幾許尚
可一供春酌天氣今宵怕又惡憑托東風且慢
吹落

一斛珠

或誤作品令

水寒江靜浸一抹青山倒影樓外指點漁村近
笛聲誰噴驚起賓鴻陣往事總睂眉際恨這
相思情味誰問淚痕空把羅襟印淚應啼盡爭
奈情無盡

陽春

蕙風輕鶯語巧應喜乍離幽谷飛過北窗前迎
清曉麗日明透翠幃縠篆臺芬馥初睡起橫斜
簪玉因甚自覺腰肢瘦新來又寬常幅對清
鏡無心欣梳裹誰問著餘醒帶宿尋思前權往
事似驚回好夢難續花亭徧倚檻曲厭滿眼爭
春凡木儘顚顚過了清明候愁紅慘綠

白雪

蟾收雨脚雲乍歛依舊又滿長空紋蟾焰低熏
爐爐冷寒衾擁盡重重隔簾籠聽亂撲流春
蟲曉來見玉樓珠殿恍若在蟾宮長愛越水

泛舟藍關立馬畫圖中悵望幾多詩無句可形

容誰與問已經三白或是報年豐未應真个情

多老却天公

亦作場除陰驛推前紅日生東

垂絲釣

燕將舊侶呢喃終日相語似惜別離情知幾許

誰與度爲向人代訴空朝算謾千言百句怎

生會得爭如作个青羽又聞院宇不在當時住

飛去無尋處腸萬縷寄暴風橫雨

又鄧端友席上
贈呂商情

玉纖半露香檀低應鼉鼓遶調響穿空雲不度

情幾許看兩睂碧聚爲誰訴聽敲冰戛玉恨

雲怨雨聲聲總在愁處放盃未舉傾坐驚相顧

應也腸千縷人欲去更畫簷細雨

解蹀躞

呂商情吹笛

金谷樓中人在兩點睂翠綠叫雲穿月橫吹楚

山竹怨斷憂憶因誰坐中有客猶記在平陽宿

淚盈目百轉千聲相續停
孟聽難足設誇天
海風濤舊時曲夜深煙慘雲愁倩君洗醉明日
看梅梢玉

醉落魄

龍涎香

雙心小萼瑞爐慢炷煙初著清香已透紅綃帳
底事多情玉笋更輕掠
鬢雲側畔蛾眉角
枉成曾印鉛華薄幾回瑞酒襟懷惡
鶯舌偷傳低語教人嚼

青玉案

徐仲節生辰

芝蘭桃李環圍著
擁和氣浮廉幙
壽斚交飛爭滿酌
一聲珠串數敲牙板應有梁塵落
腰金雖重何曾覺
更看懸魚上麟閣
不用祖洲尋靈藥
平時陰德幾人今日額手稱安樂

又

南州獨數多居士
誰富貴
歸桑梓
畫錦如公誰比似
傍湖開徑雨簾雲
揀平地居仙子
行須

勛業超青史
再侍宸幃任非次
醉袖儘教春酒漬
明年此會壽觴欲舉百拜君王賜

又次下
翁韵

奇葩珍樹叢叢繞
望仙隱蓬萊
小前枕湖光秋
色曉荷花今歲也
如人意不逐西風老
霞觴獻壽頻頻倒
瑞霽浮空疑不埽
定自日邊飛詔
早芝庭呈秀桂宮得意更看明年好

又次賀方
回韵

五雲樓閣蓬瀛路
空相望
無由去
弱水渺茫誰可渡
君家徐福蕩舟尋訪却是曾知處
群仙應問來何暮
說與榮歸錦封句句裏
丁寧天已許
要教強健召還廊
廟永作商鼎雨

望江南
張節使生辰

鍾陵好嘉節
慶元正
瑞色潛將春共到
台星遙映月初升
賢帥爲時生
人意樂
天宇亦清明
淡薄梅腮嬌倚暎
依微柳眼喜窺晴
和氣滿江

城

又

鍾陵好和氣滿江城憶昨旌麾初正到至今政
令只寬平仍歲兆豐登 稱慶旦遐邇一般情
共信我公躋壽考再來庾德被生靈禱禱聽歡
聲

又

鍾陵好襦袴聽歡聲黑入管絃增亮響喚教羅
綺亦光榮引滿勸金觥 誰信是元自悟長生
鈴閣纔投公事筆雲章惟讀道家經家世仰仙
卿

又

鍾陵好家世仰仙卿衣帶不須藏貝葉集賢何
用化金瓶且欲佐中興 期早晚丹詔下天庭
不許南州猶從節促歸東府共和羹膏澤徧寰
瀛

選冠子 亦名蘇武慢
許倅生辰

海上樓臺臺中日月乍覺學來平地熙熙雞犬
簇簇僮奴亦自有登天志知是仙官出應亨期
因識前修風味看縱橫才美雍容談笑一團和
氣 鍾秀處雲深霜凝梅清竹瘦占盡小春佳
致笙歌韻溢錦繡香濃飲少未妨歡醉好在雙
椿佇看丹桂分折芝庭蘭砌向□□□□和羹

滿庭芳 彭守
生辰

節物爭妍江山改觀已聞春到蕭蕭瑞煙和氣
蔥蒨接螺川元是使君誕日半千運來踵三賢
丞相劉公詩云四 爭相競誰知勝地拜相有前
百年間出三相 山 芳筵開富壽羅綺□□簪組駢闐正雪梅
迎臘霜月將圓看取霜髯秀頰人人道平世神
仙謫元手陰功在繼八百定長年

二郎神 清源
生辰

炎光欲謝更幾日
薰風吹雨共說是天公亦嘉
神貺特作澄清海宇灌口擒龍離堆平水休問
功超前古當中典護我邊陲重使四方安堵
新府祠庭占得山川佳處看曉汲雙泉晚除百
病奔走千門萬戶歲歲生朝勤勤稱頌可但民
無災告□□願得地久天長協佐皇都

水調歌頭

次句蘇林韵

閨餘有何好一歲兩中秋
霽雲捲盡依舊銀漢
截天流長記薌林堂上靜對小山聚桂樽俎許
從游遠想此詩興不減上南樓引玉觴看金
餅水雲頭醉聽哦響寧羨王侯賦荊州此夕翻
成愁絕未斫廣寒丹桂猶衣敝貂裘萬事付諸
笑斗酒且寬憂

又

再前韵爲生日詞

薌林有何好花藥不驚秋
千章雲木長見密葉
翠光流中有三朝勛舊早歲辭榮軒冕歸伴赤

松游不羨鴛鴦侶
鍾聽景陽樓問向來麟閣
上鳳池頭有誰能繼向來解印似蘇州自是英
姿絕俗非我與時違異何用衣羊裘況得長生
趣千歲有懷憂

又

徐侍郎生辰

寥亮度絃管笑語集簪纓
又逢華旦爭慶豪傑
爲時生猶對中秋月影漸放重陽菊蕊萬寶正
西成爽氣知多少天賦滿襟靈擅詞華追鮑
謝踵斯水入趨禁近出鎮藩輔早辭榮休戀平
湖佳致好爲蒼生重起歸去侍宸庭一德及元
□千歲致昇平

又

韓仲九月初八日生辰

帝里記當日賜第富相聯
惟君家最稱著桐木
老參天三相助庸才業一代風流人物繼世賴
君賢自合躋清要小屈佐平川下車初逢慶
旦聽歡傳冰清玉潤仁愛終始被江端滿泛黃

花稱壽細看紅更枝健和氣滿芳庭隔日醉重九千歲似今年

傳言玉女

許永之以水仙瑞香黃香梅仙同坐名生四和即席賦此

小院春長整整繡簾低軸與葩幽豔滿千瓶百斛珠鈿翠珮塵襪錦籠環簇日烘風和奈何芬馥鳳髓龍津覺從前氣味俗夜闌人醉引春蔥就口只愁飛去暗與行雲相逐月娥好在為歌新曲

又王聖之席上

料峭寒生知是那番花信算來都為惜花人做恨看猶未足早覺枝頭吹盡曲欄幽榭亂紅成陣醺酒花前試停盃與為問褪香銷粉問東君怎忍韶華過半贏得幾場春困厭厭空似為感花愁損

於中好

牆頭艷杏花初試遠珍叢細接紅莖欲知占盡

春明媚銷無意看桃李持盃準擬花前醉早一葉兩葉飛墜晚來旋旋深無地更聽得東風起

又

蹙蹙不住溪流素憶曾記碧桃紅露別來寂寞朝朝算恨遮亂當時路仙家豈解空相誤嗟塵世自難知處而今重與春為主儘浪蕪浮花妬

又

梅花摘索穿疎竹陰紋禽喜權相逐坐中已自清堪掬更瀟酒人如玉新聲愛度周郎曲捧霞盃再三相囑無情有恨重分北也撩得雙眉

瑞雲濃

睽離謾久年華誰信曾換依舊當時似花面幽懽小會記永夜盃行無算醉裏屢忘歸任虛簷

月轉 能變新聲隨語意悲歡感怨可更餘音
寄老管倦遊江剡問似伊阿誰曾見度已無腸
爲伊可斷

一叢花

娟娟微月可庭方窗戶進新涼美人爲我歌新
曲翻聲調韵出宮商犀筩細敲花蕙清響餘韵
繞紅梁 風流難似我清狂隨處占煙光憐君
語帶京華樣縱嬌軟不似吳邦拼了醉眠不須
重唱真个已無腸

好事近

黃履

花裏愛姚黃瓊苑舊曾相識不道風流種在又
一枝傾國 擬圖遮斷倚闌人休教妄攀摘其
奈老來情減負十分春色

端人嬌

李瑩

惱亂東君滿目千花百卉偏憐處愛他穠李瑩
然風骨占十分春意休漫說唐昌觀中玉蕊

妬雪凝霜凌紅掩翠看不足可人情味會須移
種向曲欄幽處綠葉成陰道傍人指

又

曾詞

露下天高最是中秋景勝喜小銀蟾十分增暈
名 嫦娥飛下見霧鬟風鬢念八第景園中画誰
能盡 慢奏雲韶美 斟仙醴清不寐桂香成
陣只愁來夕又陰晴無準却待約重圓後期難
問

蝶戀花

曾詞

端正纖柔如玉削窄鞵官鞵暖視吳綾薄堂上
細看纖半搦巧偷強奪嘗春酌 穩稱身材輕
綽約微步盈盈未怕香塵覺試問更誰如樣脚
除非借與嫦娥著

又

楚牛

春睡騰騰長過午楚夢雲收雨歇香風度起傍
妝臺低笑語画簷雙鵲尤偷顧 笑指遙山微

欲處問我清癯莫是因詩苦不道別來愁幾許
相逢更忍從頭訴

又

昔在仁皇當極治南極星宮曾降駕嘉瑞猶有
畫圖傳好事身材只恐君今是對酒不妨同
看戲他日功名晏子堪爲比更願遠孫逢九世
安排君在雞窠裏

又

萬里無雲秋色靜上下天光共水交輝映坐對
冰輪心目瑩此身不在塵寰境撲瀉文禽飛
不定勾引離人分外添端興來往悠悠重記省
夜闌人散花移影

鐸解令

送人歸後酒醒時睡不穩余翻翠縷應將別淚
洒西風盡化作斷腸夜雨卸帆浦嫩一種恹
恹兩處尋思却是我無情便不解寄將夢去

憶秦娥

情難足不堪黃帽催行速催行速扁舟一葉別
愁千斛津亭送客驚相鳴舉盃欲唱眉先蹙
眉先蹙背人掩面不能終曲

傾盃樂

上梁仲
上元詞

瑞日凝暉東風解凍峭寒猶淺正池館梅英粉
淡柳枝金軟蘭芽香暖滕城誰種芙蓉滿浸銀
蟾影一夜萬花開遍遍翠微朱戶是處重簾競捲
羅綺簇歡聲一片看五馬行春旌旆遠擁
袴千里歌謠都入太平絃管且莫厭瑤觴屢勸
聞鳳詔催歸非晚願歲歲今夜哀端門待宴

望海潮

上梁仲
上元詞

菊暗荷枯橙黃橘綠嘉時記得今朝權醵十州
香飄萬井春容小試梅梢星鼎羅層霄慶誕生
元德出佐明朝雅奏聲中彩旂光裏仰英標
遐年已卜民謠最招徠瘠俗洗盡奸驕東府政

聲北門治續流芳況自迢遙莫惜拚今宵聽緩
敲牙板引滿金蕉看卽泥封峻召無計駐華驄

齊天樂

和周美成韵

後堂芳樹陰陰見疎蟬又還催晚燕守朱門營
枯翠懷紋蠟啼紅慵剪紗幘半捲記雲璫瑤山
粉融珍簟睡起援毫戲題新句謾盈卷 際離
鱗雁頓阻似聞頻念我愁緒無限瑞鴨香銷銅
壺漏永誰惜無眠展轉逢山恨遠想月好風清
酒登琴薦一曲高歌爲誰眉黛歛

又

端午

疎疎數點黃梅雨殊方又逢重五角黍包金葛
蒲泛玉風物依然荆楚衫裁艾虎更釵衰朱符
臂纏紅縷撲粉香綿喚風綾扇小窗午 沅湘
人去已遠勸君休對景感時懷古慢嚀鶯喉輕
敲象板勝讀離騷章句荷香暗度漸引入陶陶
醉鄉深處卧聽江頭画舸喧豷鼓

暮山溪

端午有懷折蓬

去年今日蹤跡留金水寒興翠朋儕遊賞偏南
峰佳致崇仙岸左爭看競龍舟人洵陶鼓鑿鑿
不覺金烏墜而今寂寞獨處山林裏欲去恨
無因奈阻隔川途百里香蒲角黍對暑悄無言
梅雨細麥風輕悵空垂淚

又

和尊州景倅除穢

天姿雅素不管群芳妬微笑倚春風似窺宋牆
頭凝竚一春花草陡覺更無香懸繡帳結羅巾
誰更熏沉炷 可堪開晚未放韶光去生怕移
庭堦直不忍蒼苔散步會須開宴滿摘蘸瑤觴
何況有綺窗人嬌鬢相宜處

又

同前

玉英檀蕊細意憑君看青帝忒多情費幾許春
風暗剪曉來欹枕不覺嫩香飄被宿霧啓幽窗
不道開初徧 無窮風味乍可蜂鶯占莫遣俗

人知怕毒眼急須遮斷倚牆壓架嬌困臥枝頭
心緒裏阿誰知似個人撩亂

又和徐時
郎木犀

蟾宮仙種幾日飄飄窈窕密葉繡團欒似翦出佳
人翠袖葉間金粟款款整枝頭黃菊嫩碧蓮披
獨對秋容瘦 濃香馥郁庭戶宜煙透十里遠
隨風又何必凭闌細嗅明犀一點暗裏爲誰通
秋夜永月華寒無寐聽殘漏

醉蓬萊

見恩榮故里口著賢關特然超指滿腹詩書洗
膏梁餘味羞挽烏號換將藍綬向廣庭親試磊
落胸襟雍容人物于今誰比 爭許才猷台躋
嚴禁行看橫飛少將清議喜對生朝且陶陶歡
醉太華連開海山桃熟況是當佳致滿引瑤觴
相期肩壽君家重耳

又

正纔過七夕又近中元素秋時候月皎風高漸
涼生襟袖灝氣澄凝是誰清白應此口口秀味
洗膏梁才伴沈謝三朝勛舊 好是新來日臨
連帥化格駘黎政婦仁厚早禱祥祠有雨隨車
驟願與寰區共食膏澤歲歲稱眉壽孝感靈泉
涓涓不絕樹爲醇酎

又

見禾山凝秀禾水澄清地靈境勝天與珍奇產
凌霄峰頂嶽葉森槍輕塵飛雪冠中州雙井絕
品家藏武陵有客清奇相稱 坐列群賢手呈
三昧雲逐甌圓乳隨湯迸珍重慇懃念文園多
病毛孔生香舌根回味助苦吟幽興兩腋風生
從教飛到蓬萊仙境

朝中措

盃盤狼藉爛參差欲去未容辭春雪看飛金碾

香雲旋湧花甃 雍容四座矜誇一品重聽新
詞歸路清風生腋不妨輕然吟髭

又熱水

打窗急聽口然湯沉水騰熏香冷煖旋投冰碗
葷羶一洗詩腸酒醒酥魂茶添勝致齒頰生
涼莫道淡交如此於中有味尤長

點絳脣

燕水紫尊

寶勳嘶歸未教佳客輕辭去姊夫屢窺笑聽殊
方語清入回腸端助詩情苦春風路夢尋何
處門掩桃花雨

又

瓦枕藤床道人勸飲雞蘇水清雖無比何似今
宵意紅袖傳詩別是般情味歌筵起絳紗影
裏應有吟鞭墜

又林木犀

借問嫦娥當初誰種婆娑樹空中呈露不墜凡

花數却愛薌林便似蟾宮住清如許醉看歌
舞同在高寒處

又

散策薌林幾回來遶團圓樹月明風露平地神
仙數準擬歸來移近東家住應相許爲君起
舞直到高寒處

卜算子

婆娑月裏枝隱約空中露擬訪嫦娥高處看一
夜心生羽仙種落人間群艷難儔侶箇亂驂
人有底香欲賦無奇語

又

平分月殿香碎點金盤露占斷秋光獨自芳端
稱觴飛羽謝了却重開若个花同侶誰識靈
心一點通手撚空無語

又李宜人生辰

昨夜月初圓今日春纔半自是元君並旦生豈

在稱還算 花語看加封玉尊休舞滿綺席來
年誰與同笑揖麻姑伴

滴滴金

同

當初本合蟾宮裏漫容易到塵世表裏水清誰
與比占無雙兩地 說說已是多孫子看將來
總榮貴歲歲今朝捧瑤觴勸南園桃李

又

相逢未盡論心素早容易背人去憶得歌翻腸
斷句更惺惺言語 萋萋芳草迷南浦正風吹
打船雨靜聽愁聲夜無眠到水村何處

上林春

生

穠李天桃堆繡正暝日如照芳袖少年未用稱
遐壽 願來歲如今時候相將得意皇都同携

手上林春

瑞鶴仙

看燈花燼落更欲換門外初聽剝啄一樽赴誰

約甚不知早算忒貪歡樂嗔人調謔飲芳客索

強倒惡漸嬌慵不語迷吳帶笑柳柔花弱 難

貌扶床鴛帳不褪羅裳要人求托偷偷弄搦紅

玉軟煥香薄待酒醒枕臂同歌新唱怕曉愁聞

画角問昨宵可聯歸遲更休道著

又

聽梅花再弄殘酒醒無寐寒衾愁擁淒涼誰與
共謾贏得別恨離懷千種拂牆樹動更曉來雲

陰雨重對傷心好景回首舊遊恍然如夢 歡

縱西湖曾泛画舫爭馳繡鞍雙控歸來夜中要

銀燭銜金鳳到而今誰掠花枝同載誰酌酒盃

笑捧但逢花對酒空祇自歌自送

又

見蘭枯菊悴口寂寞天與春風來至梅梢弄晴

葉似於人裝點十分和氣吳頭楚尾聽民謠歡

聲鼎沸揔扶攜拍手嬉遊鼓腹頓忘愁悴 誰

比承流宣化問俗觀風一時雙美笙歌宴啓交
酬獻儘沉醉□□行看宸庭同拜歸向天街
茲轡對西湖把酒應須共談舊治

又

數文章翰墨前輩遂稍稍風流岑寂公才萬夫
敵嗣家聲不墜江西人物凝脂點漆向駕行神
峰秀出沉襟懷偶儻詞華洒落未容儔匹均
逸妙齡識退故國懷歸問安親戚屏風坐隔看
除召在晨夕對生朝且趁清明時節痛飲無妨
墮憤著來衣戲舞千春永如是日

雨中花慢

一本失
慢字非

海宇澄明天氣宴溫人情物態昭蘇喜分付攬
轡來與春俱瀟灑酒闌亭醉墨丁寧黃石傳書到
如今幾載不墜風流世有名儒山川瑞色樵
牧歡聲盡隨絃管虛徐判醉笑頻揮玉塵共挈
金壺滿版聊勤大手謀謨宜佐皇圖定知朝暮

未容溫席已促鋒車

又

漠漠雲輕涓涓露重西風特地颼颼覺良宵初
永裊暑微收葉鶴縵山浮槎銀漢尚想風流笑
人間兒戲瓜果堆盤繒綵為樓廣庭淨埽露
坐披衣細看新月如鉤誰道是嫦娥不嫁獨守
清秋雅有騷人伴侶長交清影爽猶舉盃相屬
却應羞殺駭女癡牛

又

秋中

雨霽雲收風高露冷銀河萬里波澄正永輪初
見玉斧修成還是一年憑欄望處對景愁生想
姮娥應念待久西廂爲可中庭番思暗彩不
如微暗向人多少深情長記得墻陰密語花底
潛行飲散頻羞燭影夢餘常怯窗明此時此意
有誰曾問月白風清

鵲橋仙

雲容掩帳星輝排燭待得鵲成橋後恩恩相見
夜將闌更應到家家乞巧 經年怨別霎時歡
會心事如何可了朝朝算算是佳期乍可在人
間先老

洞仙歌

草堂集刻
毛滂氏

癡牛驂女謾恩深情遠一歲惟能一相見縱金
風玉露勝却人間爭奈向雪月花時阻間 幽
歡猶未足催度橋端鳥鵲無端便驚散別後欲
重來杳杳銀河空悵望不勝悽斷最可惜當初
泛槎人甚不問天邊遮些麼難

多麗

中

曉風清淡雲捲盡輕羅看銀蟾初離海上碧溪
萬里澄波碾雲衢玉輪緩駕照山影寶鏡新磨
光徹庭除寒生綺席無聊清興助吟哦共宴賞
明宵天氣晴晦又知他無眠處夜濡湛露目斷
明河 念年來青雲失志舉頭羞見嫦娥且高

歌細敲檀板拚痛飲頻倒金荷斷約他年重揮
大手桂枝須斫最高柯恁時節清光比似今夕
更應多功名事到頭須在休用忙呵

卓牌子慢

中改次田
不代詞

西樓天將晚流素月寒光正滿樓上笑揖姮娥
似看羅幃塵生鬢雲風亂 珠簾終夕捲判不
寐闌干凭煙好在影落清樽冷侵香燭歡餘未
教人散

倒垂柳

重九

曉來煙露重爲重陽增勝致記一年好處無似
此天氣東籬白衣至南陌芳筵啓風流曾未遠
登臨都在眼底 人生如寄謾把茱萸看子細
擊節聽高歌痛飲莫辭醉易帽任教顛倒風裏
墜黃花明日縱好無情味

惜黃花慢

霽空如水襯落木墜紅遙山堆翠獨立閒增數

聲輝度風前幾點雁橫雲際已涼天氣未寒時

問好處一年誰記笑聲裏摘得半釵金盞來至

橫斜爲捕鳥紗更揉碎泛入金樽瓊蟻滿酌

霞觴願人壽百千可奈此時情味牛山何必獨

沾衣對佳節惟應懽醉看睡起曉蝶也愁花頓

醉花陰

滿城風雨無端惡孤負登高約佳節若爲酬盛

與歌呼勝却秋蕭索菊花旋摘揉青萼滿滿

浮盃杓老鬢未侵霜醉裏鳥紗不怕風吹落

又

捧盃不管餘醒惡玉腕寬金約宛轉一聲清晏

玉敲冰渾勝鳴絃索朱唇淺破桃花夢重注

鷓鴣杓夜永醉歸來細想羅襟猶有翠塵落

又

楚鄉易得天時惡風雨長如約不道有幽人衣

帶秋深猶是懸鶉索招呼朋侶如花夢有酒

須同酌世態任凋疎却愛黃花不似群花落

又 寄翁

金鈴玉屑嫌非巧生作文鴛小西帝也多情偷

取佳名分付閒花艸淵明手把誰攜酒羞把

簪烏帽寄與綺窗人百種妖嬈不以醺醺好

又

淋漓盡日黃梅雨斷送春光算目斷向高樓持

酒停歌無計留春住撲人飛絮渾無數總是

添愁緒回首問春風爭得春愁也解隨春去

解蹀躞

迤邐韶華將半桃杏勻於染又還撩撥春心倍

悽黯準擬酩酊狂吟可憐無復當年酒腸文膽

倦遊覽顛顛羞鏡鸞眉端爲誰斂可堪風

雨無情暗亭檻觸目千點飛紅問春爭得春愁

也隨春減

瑣窗寒 時刻前投尾句多振首二字非

柳暗藏鴉花深見蝶物華如繡情多思遠又是
一番清瘦憶前回庭榭來春個人預約同攜手
恨遲留載酒期程孤負踏青時候 忽雙眉暗
闌況無似今年一春晴晝風停雨愴直得恁時
迢迢想閒窗針線倦拈寂莫細捻餘醺喚待還
家定自寬人淚粉盈襟袖

玉樓春

許運亨
生辰

朱簾碧瓦千雲際占盡瀟灑形勢地傍墻人喚
狀元家想見華堂融瑞氣 壽盃莫惜團圞醉
跳虎轉龜尋舊喜小邦只恐久難留異日君王
重賜第

又

爲重四
十壽

娉婷標格神仙樣幾日珮環離海上小春只隔
一句期菊盞包香猶未放 霞觴滿酌搖紅浪
慢引新聲雲際響玉顏長與姓相宜壽數三回
排第行

又

酒闌未放賓朋散自揀冰芽教旋碾調膏初喜
玉成泥濺沫共鶯銀作線 已知於我情非淺
不必叮嚀書扼面滿嘗乞得夜無眠要聽枕邊
言語款

清平樂

燕
水

開心煥胃最愛門冬水欲識味中猶有味記取
東坡詩意 笑看玉笋雙傳還思此老親煎歸
去北窗高臥清風不用論錢

又

花陰轉午小院清無暑雪梳冰甌凝灝露自滌
紫毫雞距 麝煤落紙生春祗應李衛夫人我
亦前身逸少莫與太逼君真

漁家傲

十月二日
老妻生辰

昨日小春纔得信明宵新月初生暈又對壽觴
斟九醞香成陣歡聲點破梅梢粉 琪樹長青

資玉潤鴛鴦不老眠沙穩此去期程知遠近君
休問山河有盡情無盡

又同前

菊暗荷枯秋已滿橙黃橘綠冬初煖草草盃盤
成小宴慙勤勸樽前莫遣霞觴淺兩鬢從教
霜點半人生最要長爲伴舉酒豈徒稱壽算深
深願來年更看門風換

又同前

梅暈漸開紅竭壘菊籬尚耀黃金蕊正是小春
風物美宜家喜生朝顏巷猶和氣古鼎氤氲
雲縈細霞觴漱澍紅鱗起聽取慙勤歌裏意千
秋氣北堂同我供甘旨

又

事事無心閒散慣有時獨坐溪橋畔雨密波平
魚曼衍魚曼衍綸輕釣細隨風捲憶昔故人
爲侶伴而今怎奈成疎閒水遠山長無計見無

計見投竿頓覺腸千斷

雙雁兒

窮陰急景暗推遷減綠鬢損朱顏利名牽役幾
時閑又還驚一歲圓勸君今夕不須眠且滿
滿泛觥船大家沉醉對芳筵願新年勝舊年

又

休驚明日歲華新且喜得又逢春北堂歌舞奉
慈親願遐齡等大椿

□□□□□□□□□□□□□□□□□□□□

迎春樂

新來特特更門地都收拾山和水看明年事事
如意迎福祿俱來至莫管明朝添一歲儘同
向罇前沉醉且共唱迎春樂祝母千秋歲

永遇樂

鴛瓦霜明繡簾煙煖和氣客與雲想衣裳風清
環珮擁翠蛾扶步蓬山遠別仙班知是有客舊

同儕侶場來到人間又也愛他相門榮遇
清秋菊在小春梅綻正是年華好處酒滿瑤觴歌
翻金縷莫放行雲去已隨夫貴仍因兒顯兩國
看封齊楚此時對生朝聽我却稱壽語

又

黃葉繽紛碧江清淺錦水秋算畫鼓鑿鑿高牙
馳馳離棹無由駐波聲殆酌蘆花蓼穗翻作別
離情緒須知道風流太守未嘗忍情來去
那堪對此來時單騎去也文鴛得侶繡被熏香蓬
窗聽雨還解知人否一川風月滿堤楊柳今夜
酒醒何處□□雙栖正穩慢搖去櫓

又
子梅

風褪柔英雨肥繁實又還如豆玉核初成紅腮
尚淺齒軟酸微透粉牆低亞佳人驚見不管露
沾襟袖折一枝釵頭未插應把手搜頻嗅相
如病酒只因思此免使文君眉皺入鬢調羹攀

林止渴功業還依舊看看飛燕銜將春去又是
欲黃時候爭如向金盞滿捧共君對酒

玉燭新

荒山藏古寺見傍水梅開一枝三四蘭枯蕙死
登臨處慰我魂消惟此可堪紅紫曾不解和羹
結子高壓盡百升千葩因君合脩花史韶華
且莫吹殘待淡盃松煤寫效形似此時胸次疑
冰雪洗盡從前塵滓吟安个字判不寐勾牽幽
思誰伴我香宿蜂煤光浮月姊

御街行

平生厭見花時節惟只愛梅花發破寒迎臘吐
幽姿占斷一番清絕照溪印月帶煙和雨傍竹
仍藏雪松煤淡出宜孤潔最嫌把鉛華說暗
香銷盡欲飄零須得笛聲鳴咽這些風味自家
領畧莫與傍人說

柳梢青

傲雪凌霜平欺寒力。攬借春光。步繞西湖與餘東。閣可奈詩腸。娟娟月轉。迴廊銷無處安排。暗香一夜相思幾。枝疎影落在寒窗。

又

雪鬢煙輕。又要春色來到芳樽。却憶年時月移清影。人立黃昏。一番幽思。誰論但永夜空迷。夢魂繞徧江南。綠牆深苑。水郭山村。

又

茆舍疎籬。半飄殘雪。斜臥低枝。可更相宜。煙籠脩竹。月在寒溪。寧寧佇立。移時判瘦。損無妨。爲伊誰賦。才情画成。幽思寫入新詩。

又

月墮霜飛。隔窗疎瘦。微見橫枝。不道寒香解。誰惹管吹到屏帷。个中風味。誰知睡乍起。鳥雲任軟。嚼盡。採英淺。翠輕笑。酒半醒時。

又

日轉牆東。幾枝寒影。一點香風。清不成眠。醉憑詩興。起繞珍叢。平生只个情鍾。漸老矣無愁。可供最是。難忘倚樓人在橫笛聲中。

又

玉骨冰肌。爲誰偏好。特地相宜。一段風流。廣平休賦。和靖無詩。綺窗睡起。春遲困無力。菱花笑。窺鬢盡吹香。眉心貼處。鬢畔替時。

又

爲愛水姿。回看不足。吟看不足。已恨春催。可堪風裏飛英。相逐。祇應自惜。高標似。羞伴妖紅。媚綠。藏白。收香放他桃李。漫山籠俗。

又

水曲山傍。寒梢冷蕊。隱映脩篁。細細吹香。疎疎沉影。惱斷回腸。爲伊駐馬。橫塘漫立。盡煙村夕陽。空裏吟鞭。幾多詩句。不入思量。

又

天付風流相時宜稱著處清幽雪月光中煙溪
影裏松竹梢頭却憎吹笛高樓一夜裏教人
鬢秋不道明朝半隨風遠半逐波浮

又

屋角牆隅占寬闊處種兩三株月夕煙朝影侵
窗牖香徹肌膚群芳欲比何如癯儒豈膏粱
共途固事順心爲花修史從記中書

又

瑞鴨煙濃曉來絃管聲在霜空却退寒威借同
春色滿苑香風幾時人下瑤宮記千載今朝
慶逢滿捧瑤觴芝蘭叢裏錦繡光中

又

江月軒中拍堤新漲繞院黑風深注瑤觴低歌
金縷聲在晴空新詞儘索無窮斷酌哀顏
爲紅顏得年年繁枝子滿綠葉陰濃

又步觀衆生
辰二首

槐院風清霽天欲曉武曲增明元是今朝會生
名將力佐中興皇家息馬休兵享逸樂嬉遊
太平憂國胸襟平戎材略分付瑤觥

又

灼灼紅榴垂垂綠柳庭戶清和羅綺香中十分
春酒幾疊高歌遐齡欲問如何記平日陰功
數多千載今朝笑看池面龜戲青荷

又堂

小閣深沈酒醺香煖容易眠熟夢入仙源桃紅
似火李豔如玉覺來幾許悲涼記永夜傳盃
換燭繡被熏香寶釵落枕同論心曲

又癸未秋社
有懷故山

送雁迎鴻未寒時節已涼天氣鍼線倦拈簾幃
低倦別般風味款眠夢到山中共老幼扶攜
笑喜桑柘影深雞豚香羨家家人醉

又

暴雨生涼做成好夢飛到伊行幾葉芭蕉數竿
傍竹人在南窗 傍人笑我恹恹算除是鐵心
石腸一自別來百般宜處都入思量

解連環

素書誰托嗟鱗沉雁斷水遙山逸問別來幾許
離愁但只覺衣寬不禁消薄歲歲年年又豈是
春光蕭索自無心強陪醉笑負他滿庭花藥
援琴試彈賀若儘清于別鶴悲甚霜角怎得斜
擁檀槽看小品吟商玉纖推却旋煥薰爐更自
炷龍津雙蓼正懷思又還夜永燭花自落

踏莎行

燈月交光笙簧連響繁華依舊昇平樣心期休
卜紫姑神文章曾照青藜杖 歌落梁塵酒搖
鱗浪暫還南國同邀賞明年侍輦向端門却瞻
日表青霄上

探春令

梅英粉淡柳梢金軟蘭芽依舊見萬家燈火明
如畫正人月圓時候 挨香傍玉偷攜手儘輕
衫寒透聽一聲画角催殘漏惜歸去頻回首

又

雪梅風柳弄金鈞粉峭寒猶淺又還近三五銀
蟾滿漸玉漏聲初短 樽前重約年時伴揀燈
詞先按便直饒心似蛾兒撩亂也有春風管

又

搦兒身分側兒鞋子捻兒年紀著一套時樣口
口紅甚打扮饒濟濟 回頭一笑千嬌媚知幾
多深意奈月華燈影交相照俏沒个商量地

又劉伯玉
生辰

東風初到小梅枝上又驚春近料天台不比人
間日月桃萼紅英暈 劉郎浪迹憑誰問莫因
詩瘦損怕桑田變海仙源重遇老大無人認

人月圓

風和日薄餘煙嫩。惻惻透綃相逢。且喜人圓
玳席月滿丹霄。爛遊勝賞高低燈火鼎沸笙
簫。一年三百六十日願長似今宵。

又

月華燈影光相射。還是元宵也。綺羅如畫笙歌
遮。響無限風雅。闌峽斜。揀輕衫乍試。開趁尖
耍。百年三萬六千夜願長如今夜。

眼兒媚

柳腰花艷天然好。聰慧更溫柔。千嬌百媚一時
半霎不離心頭。是人摠道新來瘦也。著甚來
由。假饒薄命。因何瘦了。剗地風流。

倒垂柳

南州初會遇。記惺惺說底語。而今精神傾下越
樣風措。雍門人獨夜。客舍停盃處。餘香應未泯。
憑君重唱金縷。移宮易羽。縱有離愁。休怨訴。
客裏忒淒涼。怕聽斷腸句。情山曲海。君已心相

許。騷騷瘴月。正好同歸去。

南歌子

露寵妝成態。風扶醉裏身。謾勞逸使走征塵。嶺
外龍頭何處不知春。詩思清如水。毫端妙入
神。可憐徒效越娘顰。爲問吟哦。摹寫幾曾真。

又

六東坡
瑞午詞

小雨疎疎過長江。滾滾流落霞殘。照晚明樓。又
是一番重午。身寄南州。羅綺紛香。陌魚龍漲。
彩舟不堪回首。鳳池頭。誰道於今。霜鬢猶自淹
留。

又

已未
和詩

波靜明如染。山光翠欲流。晚來桀輿上裝樓。樓
外誰歌新唱。知有黃州。擬泛銀河。浪聊乘藕。
葉舟蓬山應是。隱簷頭。借問謫仙。何在今爲誰
留。

又

笛噴風前曲歌翻意外聲年來老子厭風情可
是於君一見眼雙明枕臂聽殘漏偏盆對短
檠直教筆底有文星欲狀此時情味若爲成

又

巾染烏煙碧衣拖曉露鮮盈盈風骨小神仙特
地勾牽處士夢巫山星宿羅胸次牙籤弄指
端憑君爲算以行年試問與伊結得幾生緣

又

絲緯牽腸斷明珠暗滴圓從頭顚顚手親穿寄
與仙卿同結此生緣和串攏瑜臂連雲墜雪
肩猶環密數對沉煙似我真情不斷永相聯

西江月

沙上鷗群輕戲雲端雁陣斜鋪殷勤特爲故人
書寫盡衷腸情素名字縱非僞匹眞緣自合
歡娛儘教揜抹費工夫到底翻成喫醋

又

態度雪香花瘦情懷雨潤雲溫故將淡墨寫精
神記得洗韋餘暈只恐妖嬈未似誰云彼此
難分別來顚顚不堪論相對無言有恨

生查子

秋深郎未歸月上人初靜無語意遲遲步轉梧
桐影羅衣寬莫裁雲鬢鬆還整誰與問相思
立盡清宵永

又

秋來愁更深黛拂雙蛾淺翠袖怯春寒脩竹蕭
蕭晚此意有誰知恨與孤鴻遠小立背西風
又是重門掩

又

妖嬈百種宜摠在春風面含笑又和嗔莫作丹
靑現問著却無言靚了還回盼底處奈思量
倦了還轉展

甘草子

秋算永夜西樓冷月明窗戶夢破檐聲中憶在

松江路 軟枕試尋曾遊處記歷歷風光堪數

誰與浮家五湖去儘醉眠秋雨

鷓鴣天

湖上風光直萬金芙蓉並蒂照清深須知花意
如人意好在雙心同一心 詞共唱酒俱斟夜
關扶醉小亭陰當時比翼連枝願未必風流得
似今

又

休倩傍人爲正冠披襟散髮最宜開水雲況得
平生趣富貴何曾著眼看 低泊棹稱鳴鑾一
樽長向枕邊安夜深貪釣波間月睡起知他日
幾竿

又

不學真空不學仙不居塵市不居山時沽魯酒
供詩興莫管吳霜點鬢斑 只麼去幾時還豈

知魂夢□□問憑君休作千年調到處惟知一

味開

又

惠性柔情忒可憐盈盈真是女中仙披圖一見
春風面攜手疑同玳瑁筵 揮毫管學蠻腰等
閑寫就君雲篇風流意態猶難畫瀟灑襟懷怎
許傳

天下樂

雪後雨兒雨後雪鎮日價長不歇今番爲寒忒
太切和天地也來厮覷 睡不著身心自暗顫
況味憑誰說枕衾冷得渾似鐵抵心頭些个熱
玉抱肚

同行同坐同攜同臥正朝朝算算同歡怎知終
有拋擲記江皋惜別那堪被流水無情送輕舸
有愁萬種恨未說破知重見甚時可 見也渾
開堪嗟處山遠水遠音書也無个這眉頭強展

依前鎖這淚珠強收依前墮我平生不識相思
爲依煩惱忒大你還知麼你知後我也甘心受
權挫又只恐你背盟誓似風過共別人忘著我
把洋瀾左都捲盡與殺不得這心頭火

雨中花令

堪惆悵紅塵千里恨死撥浮名浮利欠我溫存
少伊攔就兩處懸懸地擬待歸來伏不是更
與問孤眠子細月照紗窗曉燈殘夢可照惡滋
味

又

早已是花魁柳冠更絕唱不容同伴画鼓低敲
紅牙隨應著個人勾喚慢引鶯喉千樣轉聽
過處幾多嬌怨換羽移宮偷聲減字不顧人腸
斷

又

原來是雲溫雨潤銷不解伴喚偷悶傾坐精神

權人情性膚際生春暈語帶京華清更韻聽
姪姪鶯喉嬌穩別後相思心頭欲覓個燈花
信

明月棹孤舟

白玉〇向誤作夜行餘後三關同誤今按譜正之

不假鉛華嫌太白玉搓成體柔腰擱明月堂深
蓮花盃軟情重自斟瓊液寄語砒砒休竝立
信秦城未教輕易絳綢樓成藍橋藥就好吹簫
藥驚翼

又

醉袖輕籠檀板轉聽聲曉鶯初轉花落江南
柳青客舍多少舊愁新怨我也尋常聽見慣
渾不似這翻撩亂調少情多語嬌聲咽曲與寸
腸俱斷

又

寶髻雙垂煙縷縷年紀小未周三五壓口精神
出群標格偏向衆中翹楚記得蕪門初見處

禁不定亂魂飛去掌托鞋兒肩拖裙子悔不做
閑男女

又

怪被東風相錯誤落輕帆暫停煙渚桐樹陰森
那檐簫酒元是郎回來處相與狂朋沽綠醕
聽胡姬隔窗言語我既癡迷君還留戀明日慢
移船去

夜行船

夾岸綺羅歡聚看喧喧彩舟來去晴放湖光雨
添山色誰識揔相宜處輪與騷人却知勝趣
醉臨流戲評坡句若把西湖比西子這東湖似
東隣女

兩同心

行看不足坐看不足柳條軟斜倚春風海棠睡
醉歌紅玉清堪掬桃李漫山真成簾俗遠夜
幾番相屬暗魂飛逐深酌酒低唱新聲寄傳意

解回嬌目知誰福得似風流可伊心曲

又

秋水明眸翠螺堆髮却扇坐羞落庭花凌波步
塵生羅襪芳心發分付春風恰當時節漸解
愁花怨月忒貪嬌劣寧寧地情態千人惺惺處
語言低說相思切不見須臾可堪離別

又

月可中庭夜涼初燕見人人越格風流饒濟濟
入時打扮小從容不似前回匆匆得見坐上
不禁腸斷捧盃深勸爭敢望白雪新聲唯喚得
秋波一眄告從今休要教人千呼萬喚

又夢牛

涼生秋早夢魂忒好見玉人且喜且悲接病臉
酥偎酥抱信言多剛被山禽一聲催曉覺來
滿船清悄愁恨多少知是我憐你心微知是你
與我情厚謝殷勤不易山遠水遠尋到

相見歡

向作易
夜啼誤

不禁枕簟新涼夜初長又是驚回好夢葉敲窗
江南望江北望水茫茫贏得一襟清淚伴餘香

朝天子

周師從
小閣

小閣寬如掌占螺浦山川夷曠千奇萬狀見雲
煙收放更永夜風生明月上用取真成無盡
藏誰共賞徒倚撫危欄吟望

步蟾宮

九月二十六夜宿周師從
家時覺風雨作有懷水尋

桂花馥郁清無寐覺身在廣寒宮裏憶吾家妃
子舊遊瑞龍腦暗藏葉底不堪午夜西風起
更颼颼萬絲斜墜向曉來却是給孤園乍驚見
黃金布地

又

一斑兩點從初起這手腳漸不靈利背人只得
暗搖爬腮臭氣熏天炙地下梢管取好膿水

要潔淨怎生堪洗自身作壞匹如閑更和却傍

人帶累

長相思

已卯歲留金上同諸文友舟至蘆
家洲登小閣追出實方回詩以資
歌笑

坐客

急雨回風淡雲障日
禁閣攜客登樓金桃帶葉
玉李含朱一樽同醉青州福善橋頭記檀槽淺
絕春筍纖柔窗外月西流似潯陽商婦鄒舟
沉得意情懷倦粧模樣尋思可奈離愁何妨棄
逸興任征帆只抵蘆洲月怯花羞重見相歡情
更稠問何時佳期卜夜綢繆

曲江秋

前山雨歇愛竹樹低陰軒窗無熱珠箔半垂清
風細繞蕭蕭吹華髮珍簾架枕設珊瑚瘦琉璃
滑永日欹枕知誰是伴舊書重揭清絕輕雲
淡月夢同泛滄波萬疊盈盤恨緒處相扶就枕
歡笑歌翻雪轉棹小溪灣人家燈火斷明滅正

攜手無端驚回檻外數聲鷓鴣

又

香消燼歇喚沉水重熈薰爐猶熱銀葉墜懷水
輪轉影冷光侵毛髮隨分且宴設小槽酒真珠
滑漸覺夜闌易紗露濡画簷風揭清絕輕純
弄月緩歌處眉山怨疊持盃須我醉香紅映臉
雙腕凝霜雪飲散晚歸來花梢指點流螢滅
未穩東窗漸明遠樹又聞鷓鴣

又

鳴鳩怨歌對急雨過雲暗風吹熱漠漠稻田差
差柳岸新沐青絲髮樓上素琴設愛流水隨絃
滑深炷龍津濃熏絳幘博山頻揭超絕遙岑
吐月照蒼檣重重疊恍然身在處渾疑同泛花
舫波噴雪泥濛醉魂醒驚呼不是漚生滅佇望
久空嘆無才可賦厭聽鷓鴣

點絳脣

越有才席上用
東坡韵贈歌者

宋六十名家詞

逃禪詞

小閣清幽膽瓶高擗梅千朵主賓歡坐不速還

容我換羽移宮絕唱誰能和伊知麼暫聽些

个已覺綠成塚塚者塵起貌言其綠之
繞梁也一作要字者誤

補之清江人世所傳江西墨梅即其人也

其詩文之不多見向有補之詞行世或謂

是昆補之謬矣無論字句之件焉章次之

顛倒即調名如一斛珠誤作品令相見歡

誤作烏夜啼之類亦不可條舉今卷一

聲曰但散花卷詞客一無選錄豈謂其多

感壽之章無麗情之句耶草堂集止載

牛歌女一調又逸其名後人妄注毛東堂

可恨防本無據反令人疑香微之或疑成

偈云古虞毛曾識

逃禪詞終

宋六十名家詞

逃禪詞

三十